

NAFARROAKO GOBERNUA

GARAPEN EKONOMIKOA

ESKUBIDE SOZIALAK

OGASUNA ETA FINANTZA POLITIKA

LEHENDAKARITZA, FUNTZIO
PUBLIKOA, BARNEA ETA JUSTIZIAHERRITARREKIKO ETA
ERAKUNDEEKIKO HARREMANAK

HEZKUNTZA

OSASUNA

KULTURA, KIROLA ETA GAZTERIA

LANDA GARAPENA, INGURUMENA
ETA TOKI ADMINISTRAZIOA

SEGURTASUNA ETA LARRIALDIAK

Kulturak “Fueradeleje” dantza-taldearen emanaldi bat programatu du igande honetan Berako kultur etxean

Ipuin tradizionalak kontatzen ditu ballet klasiko eta erromantiko, dantza moderno, espainiar, neoklasiko eta garaikideko koreografiekin nahasita

Viernes, 13 de noviembre de 2015

Kulturako zuzendaritza nagusiaren Jirabiran programak Fueradeleje dantza-taldearen emanaldi bat programatu du asteburu honetarako, Berako kultur etxean. Igandean, azaroak 15, izango da.

"¿Quién teme al lobo feroz?" ("Nork dio beldurra otso gaiztoari?") du izenburua, familientzako ikuskizuna da eta "Hiru Txerriak" eta "Txanogorritxu" ipuin tradizioaletan oinarrituta dago.

Istorio honen protagonistak bizitzaren hiru ikuspegi dituzten hiru dantzari dira: ni-ni belaunaldikoa, lastozko etxetxoan bizi dena; modernoa, behar dena baino lan gehiago egiten ez duena eta egurrezko etxea eraikitzen duena; eta zuhur nahiz arduratsua, adreiluzko etxea nahiago duena.

Lasto eta egurrezko etxeak suntsitzen dituztenean, hiru ahizpak adreiluzkoan babesten dira, eta han ahizpa zaharrenak "Txanogorritxuren" ipuina kontatzen die lotaratu aurretik.

Fueradelejek bi ipuin tradizional horiek baliatzen ditu dantzaren istorio kronologiko bat erakusteko, ballet klasiko eta erromantiko, dantza moderno, espainiar, neoklasiko eta garaikideko koreografiekin.

Fueradeleje dantza-taldea 2008an sortu zen Marisa Vera, Iñaki Fortún eta Virginia Oroz dantzarien eskutik, eta profesionalki Nafarroan lan egitearen aldeko apustu irmoa egin zuten. Sortu zenetik, bost ikuskizun estreinatu dituzte.

Obraren koreografiaz Iñaki Fortún eta Virginia Oroz arduratu dira,



Ikuskizunaren kartela.

eta Itsaso Etxepeteleku, Miriam Remírez, Olaia Nagore, Sarai Extremera, Iñaki Fortún eta Virginia Orozek interpretatu dute.